

四庫全書

集部

欽定四庫全書

集部

北溪大全集目錄
卷二

詳校官庶吉士吳烜

主事臣呂雲棟覆勘

總校官編修臣倉聖脉

校對官學正臣周鎔

謄錄監生臣張椿

欽定四庫全書

集部四

北溪大全集

別集類三 宋

提要

臣等謹案北溪大全集五十卷外集一卷宋陳淳撰淳有北溪字義已著錄其生平不以文章名故其詩其文皆如語錄然淳於朱門弟子之中最為篤實故發為文章亦多質樸真摯無所修飾元王環翁序以為讀其文者

當如布帛菽粟可以濟平人之飢寒苛律以古文律度聯篇累牘風形露狀能切日用乎否云云是雖矯枉過直之詞要之儒家實有此一派不能廢也又淳以朱子終身與陸九淵如水火故生平大旨在於力申儒釋之辨以鍼砭金谿一派之失集中如道學體統等四篇似道似學二辨皆在嚴陵時所作反覆詰辨務闡明鵝湖會講之緒論亦可謂堅守

師傳不失尺寸者矣集為其子榘所編未有
外集一卷載奠祭文誌銘敘述五篇亦榘所
輯附淳祐戊辰郡倅薛季良為鋟板龍溪書
院歲久散佚元至元乙亥明宏治庚戌又兩
經翻刻今所傳者蓋猶宏治本云乾隆四十
四年三月恭校上

總纂官臣紀昀臣陸錫熊臣孫士毅

總校官臣陸費墀

金史口徑全書



提要

北溪大全集原序

道之顯者謂之文措辭艱深造語險怪文云乎哉六經
乾坤也四書日月也矢口成言下筆成書惟盤詰雜以
方言初未嘗艱深險怪也蜀之玄蒙之莊如駕蛟螭如
攫虎豹文誠竒矣求其顯斯道者無有乎爾夫以見知
聞知之傳有所自來孟子而後斯道顯於濂洛濂洛之
後斯道顯於紫陽一時門人半天下惟北溪陳先生獨
傳派漳南始未獲見員以成規方以中矩一聆謦欬紅

爐點雪查滓渾融觀其問目如小戴曾子問隨事辨詰
毫髮不遺戒懼謹獨二箴與朱子箴敬齋同一轍程張
呂言仁二辨與朱子辨輯略同一機字義近思錄也雜
詠感興詩也篇篇探心法之淵源字字究性學之蘊奧
誠又與朱子大全文相先後朱子之道學大明於世羽
翼之功先生居多當時稱為朱子嫡嗣其信然與讀先
生之文當如菽粟布帛可以濟乎人之饑寒苟律以古
文馳驟連篇累牘風形月狀能切日用乎否集五十卷

淳祐戊申郡倅薛公季良鋟梓龍江書院歲久佚壞乙亥暮冬幕賓本齋高公念斯文之將墜痛道統之無傳遂乃文移有司力請壽梓於是太守張公是其說推理烏古孫公贊其謀遂以庠廩贏奇委學錄黃元淵之三山墨莊鏤刻而黃又勉齋先生之裔故其奉承惟謹不三月而集事環翁備員教席命序其事生晚謏聞揚休玉立不可得而見之矣所幸者嘉言善行猶未泯焉思昔吾莆陳復齋鄭子工黃子洪諸老與先生同在朱門

著述今無一二其子孫亦不顧惜使皆如朱公之敬前
修勉來學安有奇寶橫道側之歎哉僕於先生之文集
景仰也夫亦重有感也夫至元改元臘月漳州路儒學
教授蒲宓軒王環翁舜玉父序

欽定四庫全書

集部四

北溪大全集目錄

別集類三 宋

卷一

古詩

卷二

古詩

卷三

律詩

卷四

律詩

挽詩

銘

箴

贊

疏

卷五

書問

卷六

問目

卷七

問目

卷八

問目

卷九

記

卷十

序

卷十一

說

卷十二

說

卷十三

說

卷十四

題跋

卷十五

雜著

卷十六

雜著

卷十七

雜著

卷十八

講義

卷十九

講義

卷二十

解義

辨論

卷二十一

辨論

卷二十二

書

卷二十三

書

卷二十四

書

卷二十五

書

卷二十六

書

卷二十七

書

卷二十八

書

卷二十九

書

卷三十

書

卷三十一

書

卷三十二

書

卷三十三

書

卷三十四

書

卷三十五

答問

卷三十六

答問

卷三十七

答問

卷三十八

答問

卷三十九

答問

卷四十

答問

卷四十一

答問

卷四十二

答問

卷四十三

劄

卷四十四

劄

卷四十五

劄

卷四十六

劄

卷四十七

劄

卷四十八

劄

卷四十九

祝文

祭文

卷五十

祭文

欽定四庫全書

北溪大全集卷一

宋 陳淳 撰

古詩

隆興書堂自警三十五首

堂中鶴髮老臞臞未能寬半渙而爾游於汝其獨安
負米慙子路殺雞愧茅容汗顏戴履間子職何以供
富貴以榮親有命不可必道義以榮親古人所無數

茫茫八極內何莫非斯人苟非富道義何異彼黔民
人稟五行秀卓然與物異由其達大經秉彝不容已
人為天地心體焉天地同病於有我私不能相流通
二程十四五即為聖人徒汝年已蹉跎得無驚覺乎
昔者抗厥志欲效顏子復今胡事悠悠反作曹食粟
古人用功處步步最縝密胡爾大闊疏踐履無其實
細味古人書惕焉重深慚循首以至足百無一二三
器局事宏大心期勿卑汙俗士不必效汝為君子儒

百樂不足玩萬好俱無益休休事追逐蕩志而害德
輔仁貴有益謹毋友善柔良心放則死胡為樂佚遊
克己貴乎嚴存心大而正改過勿憚吝任道尤須勁
知以達其行行以精其知二者互相發不容偏廢之
詩蔽思無邪禮主毋不敬二言書諸紳時時與涵泳
大學示絜矩中庸發尚綱昔人深工處願言日三省
周翁圖太極張子銘訂頑吾門禮義宗毋離几席間
言人必志聖論學必志道有如講為邦規模必王佐

志一氣以動氣一志以隨持養使清明和平毋暴之
血氣有盛衰理義無損益理義要常勝毋為血氣役
始學何所主以心為嚴師動作必內懼隱微毋自欺
心藏隱奧中乘間亦易動須於動之微堅持勿使縱
人心甚可畏動熾如奔霆雖以刀鋸降不能為之寧
居獨念無僻境動情不肆聖人然後能學者須敬忌
聖人於燕居德容申天如學者之自持其可惰慢與
吉士無妄語德人不苟笑容貌端以莊話言謹而要

勿謂善戲謔於我固何尤要知外不嚴中為之所流
開卷必起敬肅容止冠襟如侍聖賢側親承謦歆音
事事物物間私皆在所滌一裘憾雖微子路必勇克
質暴難入德心麓寧配義君看簞瓢人磨礪極醇粹
氣稟微有偏積習日蕃衍矯厲工弗深其末必猶反
今日一念差不即伐以柯明日又重生習熟將如何
顏子不貳境如判桐葉然一絕不復續何嘗有遺根
成湯之盤銘新焉旦復旦未聞作聖功毫釐有間斷

閒居雜詠三十二首

仁

仁人之安宅在心本全德要常處於中不可違終食

義

義人之正路中實存羞惡要常由而行不可離跬步

禮

禮者人之門節文自中根所主一以敬出入無不存

智

智者人之燭於我非外鑠清明本在躬無容自昏濁

孝

孝以事其親斯須不離身始終惟愛敬二者在書紳

悌

悌以事其兄溫恭盡乃情出門惟敬長內外一於誠

忠

忠以盡諸已其中不容偽一毫苟自欺在我先有愧

信

信以實諸言於外無妄宣要須循爾物何可背其然

父子

父子本天性人倫此其大一言在有親不可薄厥愛

君臣

君臣本大分天尊而地卑一言在有義不可以為利

夫婦

夫婦亦大端乾男而坤女一言在有別不可欲敗度

兄弟

兄長而弟幼天屬之羽翼一言在有序不可事私閱

朋友

朋友同門志所以輔吾仁一言在有信不可私狎親

耳

耳所以司聽聽正乃為聰匪彝謹勿聞聞之則為聾

目

目所以司視視正乃為明非禮謹勿睹睹之則為盲

口

口所以司言所言必正說非法謹勿道道之為噬噎

手

手所以司執所執必正事回德謹勿持持必為痿痺

足

足所以司履所履必正道邪徑謹勿由由之為躒跛

心

心為形之君所主一身政持養常清明百體皆順令

博學

泛觀事物間是理真卓卓無一非吾事要在博所學

審問

物理本不齊雜然各異分參伍寧無疑要在審所問

謹思

論學取諸友舉隅發之師欲自得其傳要在謹厥思

明辨

利與善之間微似未易斷欲無毫釐差要在明厥辨

篤行

學問思辨者於中瑩且精欲實據而有要在篤於行

隆師

師者人之範辨惑正吾疑苟不就有道俵俵其何之

親友

友者人之輔以善相切磨不取直諒聞其如損德何

遷善

善者性所有不可無諸躬每見必勇遷吾德乃可崇

改過

過者動之羞毋容實諸己才覺必速改乃不為吾累

禮維

禮以維其心在心無不敬非此勿言動非此勿視聽

義維

義以維其心在心常有制惟為理所宜不徇情所利

廉維

廉以維其心在心常有辨一介不妄取真如視土糞

恥維

恥以維其心在心每知愧不善臨吾前真如負芒刺

警惰

日月雙跳丸一旦復一旦於穆無疆命後

闕二字

如趨前

頭只逗遛不勇攻與戰當然緊切功一一事散漫便是
惰天職天地一罪漢

警滯

賓主辨貴白死生路宜分當克即使克當存即必存直
須要脫灑如彼霽月輪超然物累上無復查滓渾不須

事黏滯如咬老樹根
彌年齧不斷豈不妨吾仁

丁未十月見梅一點

清清一點玉枯枝
絕鮮鮮歷歷霜林奇
未省有此妍雅如哲君子
覺在羣蒙先揭之几案上
使我心洒然

丙辰十月見梅同感其韻再賦

霜枝秃秃瘦孤英
自中鮮出塵寒玉姿
孰視何清妍端如仁者心
洒落萬物先渾無一點累
衣裏俱徹然

憶李友叔皓三首

以所贈墨傳
雅堂為韻

君居郭之東我館亦東郭君已素我心我未一君日時
初丙辰秋一見洞軒腹君即就我眠我亦共君讀歷代
故史編皇家新典牘我獵未暇精君記抑何博寒燈窻
竅紅明月庭陰綠君舉口不休我聽膝屢促憶從半載
餘麗澤情方熟胡為一別後終天訣遽作嗟嗟懷若人
重攬我心曲

二

君資蓋清湛君氣亦溫暇厭渠市利囂向我訪清灑卑

渠世學陋就我咨純雅肺腸無膠轄襟懷悉傾寫談義
信即篤不以吾言野箴過聽益敬不以吾為訝授之關
洛編晝夜閱不捨竊喜得良朋可與結仁社同驅入德
車共策適善馬胡此會乖遠使我聞陋寡嗟嗟今而後
詎見斯人者

三

初見即我贈東京博雅堂再見復我和北窻小梅章此
物今只存而人乃云亡有時牽龍尾濃磨發精光恍惚

金漆交相與游翰場間或展騷軸熟玩題芬芳嶙峋骨
鯁語猶能動剛腸觸物即君感感物復君傷藏之不敢
輕於以無君忘嗟嗟豈無朋知心鮮其當

自訟

氣一志以動志動氣益狂輟轉互攻擊其端何有窮哲
人動知幾清明常在躬私欲絕微萌天真湛流通表裏
皎如日一隙無曖昧

失言箴

言者身樞機興戎亦出好既正且中節吉祥以類和正
苟發不中忤物立召禍不可言而言夫子戒勿道言輕
則招憂子雲亦辨早龍門有明箴懇懇豈欺我爾素重
所出胡茲失太果策駟非難追噬臍悔自蹈從今臭不
同謹謹三緘些

槩子名字義

小子爾定孫來前吾語汝爾今既加冠盍以成人遇今
爾名以槩字爾以方叟告爾名字義爾其敬聽受槩所

以為方是為法度器極天下之方不能外乎是在人事而言不越乎此理此理根所性其本一而已散諸事物間各各有所止當然不容易萬殊而一揆截截有成法方正無少陂聖人安而行所欲不踰此賢者勉而復折旋必中矣學者思聖賢於學亦必以所擇要精明所執在固緻法皆自中定方非由外至如或非禮視是以不法視於視為不方隨物而妄伺如或非禮聽是以不法聽於聽為不方隨物而妄應如或非禮言是以不法言

於言為不方隨物而妄宣如或非禮動是以不法動於
動為不方隨物而妄往惟視方而明不為非禮傾惟聽
方而聽不為非禮從惟言方而信不為非禮徇惟動方
而直不為非禮適一一守吾法私意無容雜尋絕枉尺
為乘戒說遇合直道範馳驅何行不檢押其可者則與
不可者必拒交遊自正方不隨不可去有善者則從不
善者必克處事自正方不隨不善溺隨物則為圓非圓
特其偏同流而合汙在方誠有愆先方而後圓於圓乃

可全既無一不方斯無一不圓動容皆中禮從心得孔
傳豈但方之熟實惟圓之安聖法萬世在槩爾其勉旃
稱名惕自省聞字肅反觀斯義無爾愧服膺常拳拳

警懦

顏子之克己鏤錒斫空桑曾子殺於仁重擔硬脊梁子
路勇有行勁兵赴敵場孟軻剛不屈砥柱立滄浪嗟哉
入聖門迢迢萬里長儻非四子才寧不中道僵爾宜變
爾質變爾柔而剛

寓嚴陵郡學王生震欲往四明求師因作謹所之
以贈之

我贈王氏子作此謹所之之子何所喜喜有近道資妙
齡正弱冠立志已不卑與之語則解知弗流俗隨今聞
欲有行問之如何其曰取天下友曰求天下師斯言美
則美乃大人之為在子則太早恐非其所宜去聖嗟已
遠名家好相持師者每異戶友焉亦多歧志稚未堅定
焉保無轉移識嫩未的確那知真是非同人遽于野慄

乎其亦危既慕聖賢學須循聖賢規聖功有次序躡進
徒爾疲非益欲速成孔深闕童譏登高必自下子思端
不欺道爾求諸遠孟軻尤所嗤小學極纖悉無非固骸
肌洒掃進退間三千其威儀子曾與周旋有虧已無虧
大學入德門網條備無遺開端在格物大當致吾知子
曾與講貫有疑已無疑語孟兩部書坦坦無嶮崎盡是
平實語中蘊至寶輝子曾得其趣抑爾獵其皮入道貴
有主何須事支離進德貴著實何容慕新奇後生所可

畏不在華藻擣亦非記覽博亦匪談辨飛勇往識其正
路頭不參差終始一敬入絕無傲岸私驅車萬里道最
謹發軔時豪釐稍有差千里謬莫追志學錯所學從心
竟相違知止失所止能得之者希康莊大通衢無用徑
捷窺章韶大雅音不必轉調吹美璞要成器切戒浪琢
鋌良苗善保養彙盛方可期惜茲少壯力正宜自鞭治
一一務下學俛焉日孜孜聖門縝密功不容漏毫絲真
積中欠缺虛勞外奔馳雜乎其胃臆決墮狂與癡不為

子行喜抑為子行悲子既扣我門吾何吝子醫不覺寫
肝肺有此諄諄詞此理無強聒姑以誠吾思於乎王氏
子念我謹所之

名陳憲友清軒

陳憲於仁智堂之西結小軒植梅竹求名因以
友清命之而述其意云

名軒何以清惟有梅與竹梅清清且白竹清清更綠雪
蕊破清洒霜操挺清肅至哉雙友清格韻真寒玉伊誰

與之友相對淡無欲清心仁智翁妙趣於中足

贈伯翔相師

孔孟不說相於人洞肺肝由也行行如不得其死然括也未聞道其軀難以全賜億亦屢中執玉俯仰間經禮視平衡下憂傾則姦茲皆以理決初匪由術傳劉君以相名表裡須相關儻道最上格溫恭厲而安晬面盜於背德人盛容顏論心勿徇形心廣體自胖敬吉怠則滅炳炳真如丹此訣若未喻所閱非神觀

赴調歸憂時題壁

上林一株木其大千百園栽培自上古婆娑蔭八維云
何歲月老顏衰復顏衰守者勿灌溉伐者交剝推木根
既不固枝葉何所依心骨又有蠹皮膚何能為安得善
場師轉回陽春熙變却久悴態如彼正茂時坐令萬蟲
蟻稍託庇命絲嗟嗟難爾必慨然動長悲

秋夜玩月

月出已林杪夜深光更佳可愛滿地陰扶踈漏瓊花興

來不能寐庭除步百迴
微吟弄清輝幽意誰會哉

北溪大全集卷一

欽定四庫全書

北溪大全集卷二

宋 陳淳 撰

古詩

四十

孔子四十而不惑孟子四十不動心爾年已及德未就
可不汲汲痛自箴

和丁祖舜綠筍之韻

哦風徑遊衛山岫溢耳謠言如春敷猗猗青青發三嘆
熟察其調未免麓當年載歌淇水澳區區但取枝葉綠
惡知中有至味存爽人神思勝於玉料想厥種未為良
校之吾邦君視僕吾邦此君最佳處惟在根萌毓坤腹
出塵妙質瑩無疑徹骨不容疵纖釐地靈精白氣所孕
圃師培壅工弗施火行用事正炎鬱故遣特特清南垂
鑽泥莽尊伸蟄龍軋石臃腫亞卧獅蓄節正直已不拔
藏心塞實如無私新班黃甲固脆潤半露青簪猶珍奇

雨餘荷鋤試一訪
穎穎競脫毛囊錐
發封奏之金錯刀
片片逐刃滋瓊脂
未數水谷素龍肝
豈遜金墉白雲芝
天然真味本自足
不待滑滷甘以飴
烹煎燂炙無不可
論材宜為百品師
䟽腸滌胃掃煩穢
侑卮贊膳功誰知
九釘槃中若得此
方貢諸羞特餘子
簞瓢陋巷時相逢
炳腹琅玕焰欲起
從知種種山海腴
那有似此清中癯
吳萼楚苻儻瑀美
恰類醞醞音參歷
酪滓也擬醍醐
猫烏班孫
真徒胥何復敢校
榮與枯信哉超越
天地爐君子之德

他所無

和丁祖舜二月陰寒之作

東皇泣事已告半農村恰恰脂田車胡為元冥尚偃蹇
暗弄威權未退斜阿露於今最癡鎖烏脚阿香亦懶敲
龍芽竟日欲雨竟不雨號寒往往悲啼鴟原苗縮澁鮮
生意且悴且腐真可嗟皇天本自愛下氓陰陽舒慘元
不差不知當軸變理人此劑得之誰氏家傳霖道跡莫
與用鄒律束手難為夸安得巨力挽天河洗淨妖氣無

藥芽放開和氣充人寰均敷菽麥榮禾麻同作堯民含
哺樂母但獨醉盈畦花

晴和再用丁韻

膏霖溉注既優渥璇穹頓掃頑雲車沉香久鬱悉清豁
無復沴氣東西斜金盤擁出三足烏赫赫耀目伸爪牙
融融熙熙遍林谷鳴有喜鶯無愁鴟東阡土脉浸溫暢
頗頗釋我農人嗟壯者舉耜趾相摩少者行饁肩相差
乃知乾元父萬物仁育兩間同一家太和生生終莫遏

不容癡寒固驕夸殘陰曠曠終必退安能掩軋壯陽芽
日涉老僊憂民隱詩詞懇惻如黃麻料對茲晨少慰憚
行歌幽頌筆生花

西征鉛山遇霜

年來五十筋力衰不耐風霜不耐雪手為寒凋可鑿磋
足為凍冽如刀切泥濘跋涉負塗承礮确陟降蟠山鼈
歌行橫行又跳行忍痛忍飢復忍渴此勞此苦豈再堪
焚舟之戰惟一決

遭族人橫逆

顏子有犯不之校，冒懷洒落，冰雪融孟軻橫逆必自反，律已程度嚴秋霜。君子於物本無悶，小人胡爾好有攻矧今薄俗抑又甚絕無禮義爭豪強大倫大法毀瓦礫小計小數橫干將背面反覆蓋常態是非毀譽無定章朝為懿親暮仇虜外結同好中豺狼奉之屈膝轉搖尾擠之下石仍揮槍喜躋跼蹻夷齊上怒黜臯益共繇傍要之搃搃皆吾外於我內者庸何傷達人觀等毫毛

不為欣戚留心胸剛應以柔逆以順謀應以靜暴以恭
紅爐點雪不少凝曲直勝負何所量况乎他石可攻玉
火經百鍊金始剛堅吾志節熟吾仁理義之益端無窮

上趙寺丞修學釋菜會餞

嘉定四年日在房趙侯來守南清漳下車百事所未遑
先務化原修泮宮發帑市材鳩衆工改偏易陋規模洪
大門復舊正當陽直挹名第真仙峯泮渠下䟽清波溶
時與潮汐相流通兩廊軒軒如翬飛朱欄翼之森衛防

講堂崑崑峙中央高明洞豁無曖曠東西兩舍夾其旁
扉楹新殿標祠堂諸祠疇昔亂無章從今一正堯相望
東祀無極濂溪翁渾淪再闢如羲皇二程從而大發揚
千載絕學始有光文公繼之擷精剛發揮大學明中庸
善集諸儒祭朝綱金聲玉振真璿璫此邦况又舊遊鄉
流風遺澤尤洋洋合為四座儼顯顯卓示師表開羣蒙
女令聖門知所從無徒自棄甘面墻西祀唐人相國常
名
首變蠻俗趨文風配以周歐二俊良破荒桂籍先傳芳

端明蔡公著清忠始自蓮幕起騰驤東溪高公拔上庠
勁節凜凜凌秋霜刀摧秦檜銳鋒鉞瀕死奮不顧厥躬
列為五像竦昂昂論世尚友激懦慵要令片善有磨礱
無往不切進修功越惟明年神祝融羣工告備獨器藏
侯曰輪奐美而彰落成合與諸賓同糝菜之禮久已亡
在泮飲酒儀亦荒今其舉之始自邛不宜草略宜周詳
時惟月瑄中林鍾旬有三日方曛曠闔郡文武諸曹卽
下及生員隸學供廟廷叙立嚴班行銀青錯間緋紫裳

主人升自阼階東束茅灌獻文宣王韭芹蔬筍羅芬薌
配食究鄒二國封跪伏拜起儀從容精神昭格孚冥茫
恭惟道德萬世隆參天配地相始終再詣東祠諸儒宗
薦以時器陳時饗染盛醴齊烹羔羊尊師一意昭無窮
三詣西祠諸賢蹤饋薦一視東祠豐豈應故事誠有將
示人友善何日忘祀事既畢登堂堙莪冠列坐咸肅恭
廣文巍榻歌魯頌古音容講揚經義發童蒙卷經羣趨躋
而踰舊堂序列環而重老少團拜敬而雍申明孝弟消

強梁更衣紫袖巾縮縫旋復故坐舉餽觴羞挑華瓜仍
蕉黃左殺右戴羹及梁五行大白益靜莊威儀秩秩無
穰穰也穰倚三勸和樂恩意濃酬酢指遜交更相主人戴

笑色而康方今太平無征穰幸與諸賓相慶逢願均飲
醉文字中衆賓欣謝且慚惶此會曠典昔未嘗今幸親
與沾霑霧報之愧無圭與璋文班進請輸肺腸泮儀民
則詩言颺風教基本今既崇禮遜興行道義充觀聽感
德還降表自達問卷無姦充異時刺史入三公又推此

道柔萬邦移風易俗歸醇釀均令天下躋虞唐武班進
請披心胃侯飲於泮為道長可屈羣醜服淮羗獻囚獻
馘不告訕坐格飛鴉食我桑賂金貢齒皆來降異時錫
命侯弓彤又相君德成安強樽俎自折萬里衝會同四
海來氏羌諸生繼進吐卑悰惟申文武無異方加之俾
爾熾而昌加之俾爾壽而臧降爾遐福如陵岡嗣續與
國同無疆北溪野人狷且狂躬陪盛儀喜莫量直述詩
史為鋪張昭示來世驚盲聾

送趙寺丞解南漳赴湖北倉

前年邦人迎公來人人喜公來何暮今年邦人送公去
人人恨公去何遽公在南漳甫三年仁政率起百年慕
在民條目皆可書及人惠愛何勝數農歌田野士歌學
工歌市廛商歌路攀轅無願以公歸斷鞅必欲留公住
天子愛民南北均豈暇私漳一隅故命公乘軺使荆湖
歷訪民瘼清民蠹况曰古來用武地直瞰中原正門戶
英才分布豈偶然籌畫端為恢拓具北視敵衆紛蠢蠢

義槩寧無激，素挽河洗兵。特餘功不日，人爲聖明輔。
沃心迪德文，太平上窺周。名參伊傅鯁，生泰出陶鎔。
下日望清光，日以阻闔門。惟知自好修，何敢越分求。
攀附竊幸斯，道有主盟用。舍行藏無所與。

用教教所贈詩韻送行

懼菴先生仙籍豪，固非塵中浪。髀骨挺特不隨時，世粒
那學兒女洿。首髻竭來龍江主，文盟鑪廣大無棄物。
裁狂雕朽誰弗容，遊刃三年不少刷。
九勿反野人掩關
刀曲也

北溪曲於道未能探綠忽甘謝馳驅抱孤拙反獲優容
免呵咄紆軫衡茅過招邀寘之學海滄流滴道德淵源
漫斟酌埋義芻豢飽齧齟由堂賜室縱步躡淵鱗騫翼
恣手捽金篦刮瘼丹起廢萬斛塵胃為一拂要令齷齪
鑿璞姿無或晶光向埋沒云何聚散不可常征車已駕
城東月當今中原若角崩曦娥薄蝕耀計宇廟堂側席
急選用英才詎復偏方屈使起鴟林蓮鶴行感時怒豎
衝冠髮整頓乾綱靖坤維扶掖炎精夔燮斂極危直鼓

濟商楫逢邪須奮擊泚笏挽回一氣轉洪鈞平地春雷
百蟄出雍容細旃講唐虞正鞞垂紳其弁突抑均斯道
覺斯民何但諸王私蔭樾

詠陳世良天開圖畫之閣

九仙縣地來來到筠谷居地誰向雲端締高閣背倚金

山後山名作後屏左右龍虎交蟠伏前頭諸峰列碧霄獻

奇貢異相睽絡文筆前山時時氣蔚蔥香騰前山旦旦

煙醲郁瀑布泉名西奔扈衛雄席帽山名東出朝宗肅玉攔

山管住不斷勢銅鼎

名山蓄就無窮祿石潭

名通貫洗馬

陂

名溪

一派寒流腰帶束雨暘舒慘變萬狀青黃紫綠呈

千簇十里風光盡入懷四時春色常在目好是天開一

圖畫丹青巨擘難描摸閣中仙翁有佳趣襟抱磊磊還

落落飽餐蒼秀炯詩囊靜挹菁華洗愁斛日暄晝永酒

三樽月明夜清琴一曲興來草木欣榮意意到鳶魚自

飛躍此外應無人境喧於中覺有天真樂試問仙翁為

阿誰世良其字陳其族

和林叔已詠揚守福壽林塘之韻

史君幽趣鍾靈臺
胸中圖畫如天開
居閒薄發林塘勝
根原福壽兩山來
石骨旁峙虎蹲踞
泉脉下繞龍濫洄
高低隨巧結亭榭
收拾造化成錦堆
緋黃紫綠獻態度
纖洪濃淡敷條枚
四時春色常在目
嗟咻無用鄒律催
那知禁林鳳池上
須君緩步鏘鳴瓌
詎容袖手此山下
龜朋鶴侶相追陪

和林叔已詠福壽林塘四十九韻呈揚守并謝保

舉狀

漳臺最尊第一峯分支福壽飛雙虹壽山左蟠氣葱葱
福山右峙狀隆窿中有洞壺出塵蹤景物簇聚造化功
不減杜陵門城東未數漆園舊崆峒高人卓犖關西公
神僊識趣清瀛蓬疏瀹寒泉衆流潑刮築崑石羣山嵩
滌滂剔穢輯和冲飛甍敞棟勢如穹福壽大亭名林塘扁
其中銀鈎鐵畫燦黑松以次亭榭隨窠空各各標揭題
踈通濯纓碣一點塵不叢澄澄北繞水壺融新綠亭東名

開青藻芄磨銅徹底瑩淵表水竹環之翠垂弓波光暗

射驚魚蟲西問荷花

亭名

滿池紅千枝萬朵爛燒空行

行半山

亭名

杖履逢小憇平章景異同絕巔

亭名清潭奇觀

奇觀

趨陰朦四方八達輝明瓏俯瞰闌闌罔利翁徒登壘斷

誇崑崙主人綠鬢碧方瞳壽山峩峩福海洪濟川才具

如飛舸須遊鳳池職乃充能蘇民瘼如香窮須從禁苑

馳華驄况屢秉麾天眷隆陽春脚布隨處豐自當九二

任發蒙均陶生民天降伺未應山人邀渤全登高臨清

玩矚瞳西隣隱霧有豹鼯欲化龍虎九霄翀卵翼之恩
始而終端賴餘福錫厥躬庶幾攀附于飛雄

仙霞嶺歌

仙霞何事名仙霞巔末得之神仙家此山南來絕高峻
止挿雲表參天涯羣仙遊宴絕頂上不飲烟火湯與茶
朝餐赤霞吸其英暮餐黃霞咀其華日傲烟霞為洞府
不踏塵寰寸泥沙後躅躋攀不可得危梯峻級頻咨嗟
高人欲解行者疲掇作好語清而嘉故取仙霞起人慕

非以仙霞為世誇流傳歲月浸久遠此意零落說又差
謂酌流霞固淺陋謂著霞衣亦浮葩我來登陟動幽趣
愧無洒落清襟懷聊寓數言代嶺記未可例視為南華

謁張公祠

古來傳說雙劍靈精氣直上千雲星有如掘出為世用
一揮便可四海清方今擾擾邊塵起中原分裂亂無紀
正好提攜為掃平何事雙龍卧此水試問張公知不知
英靈千載如生時何時神物得神用為報風雲會合期

三月十一夜紀候

春光止濃二三月氣候不作春和柔白晝炎炎若盛夏
半夜淒淒如老秋

久不雨

草廬卧龍目未開崑溪作霖手未擡蒼生望望亦勞爾
霧霈甘澤從何來

賀傅寺丞喜雨二十六韻

去冬九旬已渴雨那意今春渴尤苦自開正元越三月

生意全蟄不闢吐陽威烈烈熾盛夏田野熬熬劇焦釜
新秧既長且乾萎播種無由可入土農民望雨若倒垂
類嘆天命我無所太守念膺民命寄如傷體膚痛心膺
奔禱山川社稷前下及百祠靡不舉壇告雷師雷莫聞
江扣龍神龍弗顧間或沾洒隨即收翹想霽霈殊烏有
日切一日不違寧直欲伐牲實遷俎精虔充積四十朝
幽明貫徹忽無阻季春望夜五鼓餘瓦鳴琢琢簷垂縷
起來四顧雲黑暝阿香驅車震鼉鼓甘靈一番復一番

達畫傾盆莫之禦東阡西陌土膏溶負耒荷鋤翁旁午
父語其子兄語弟或曰我侯感格故滴滴皆是真珠飯
天救我民賜我哺非我下民能動天侯澤我民如父母
既優既渥尚未已實穎實粟決可睹人解戚容為懼忻
歲轉凶兆為豐阜從知天人本一機氣脉流通有如許
端猶影響應形聲證驗昭昭真足數亦侯作霖大手段
家學淵源傳自古豈徒蕞爾南漳濱特私所惠偏一塢
抑將天下濟蒼生行赴九重天用汝

乾
坤
廣
濟
廣
濟

北溪大全集卷二

欽定四庫全書

集部

北溪大全集卷

三五

詳校官庶吉士臣吳烜

主事臣呂雲棟覆勘

總校官編修臣倉聖脉

校對官學正臣周鉉

謄錄監生臣張椿

欽定四庫全書

北溪大全集卷三

律詩

訓兒童八首

孔子

孔子生東魯斯文實在茲六經垂訓法萬世共宗師
弟子

宋 陳淳 撰

洙泗三千衆何人得正傳省身有曾子克己獨顏淵

顏子

賢哉顏氏子陋巷獨幽居簞食與瓢飲蕭然樂有餘

曾子

敬謹曾參氏臨深履薄如平生傳聖訓要具孝經書

人子

人子勤於孝無時志不存夜來安寢息早起問寒暄

灑掃

奉水微微洒恭提帚與箕室堂須淨掃几案亦輕麾

應對

應對須恭謹言言罔不祇父呼唯無諾長問遜為辭

進退

進退須恭敬時時勿敢輕先生趨拱立長者後徐行

西征黃蓮坑遇雪

行入黃蓮北風嚴雪又加滿山羅玉樹遍地錯瓊花清
灑姿無類虛明質不華瘴眸為一洗驚覺若仙家

分水嶺

寶貝山前去瓊瑤世界行
蠟鞋穿瑟瑟竹杖獨鏗鏗
凍色迫毛竅寒光射眼睛
酒亭何處認連飲一壺傾

祝杖投錢唐江

爾自黃源嶺相從到上都
扶持千險阻策掖萬崎嶇
鳳沼波應煖龍門路不迺
便須齊變化需澤濟寰區

和陳叔餘韻二首一以謝來意一以勉之

碌碌平生學慚無席上珍
僅餘守師訓豈欲銜時人
誤

入侯門聽翻勞友義陳願從溫故葉庶或稍知新

又

此道何曾遠吾儒自有珍
反求皆在我中畫豈由人利
善分須白知行語未陳
若能祛舊見明德日惟新

送王子正宰長樂二首

一陽天運復來亨君子隨時亦吉征
暫向三山瀕海處小馳百里愛人聲
從知文物新長樂便作絃歌舊武城
須信道行由此兆牛刀指日宰寰瀛

又

君當民社戴星遊我玩簞瓢守故丘袂自此分何所憾
學無與講是吾憂聖心未可窺覘得道體難從寡陋求
鱗翼元無南北間時推緒論發蒙不

送廖子晦倅潮還別四絕

紫陽門戶聳參天駢往紛來幾計千誰立脚跟老彌篤
交溪原上有深傳

使車南驚過吾邦幸挹端嚴毅直風多謝兩年勤尺素

諄諄頻為發童蒙

松窗梅雪歲寒餘奉別城東古驛頭君去有行應可樂
我來獨學重為憂

聖賢事業浩無疆未易孤聞寡見窮友善更資天下士
時推一二附南鴻

送廖婿林伯魯東歸南寺席中因舉送王長樂詩
伯魯用後篇韻求教故復依其韻以別之

良夜禪房款一遊義心相與重山丘少陪文字賡酬樂

頓釋胃懷鄙，隱憂我愧反。身無寸得君，方努力勇前求。
懸知日有新，新益還肯雙魚遠。寄不

和丁祖舜重修日涉園

重來日涉整前盟，欲與淵明細論朋。向市鬧中渾覺勝，
可人幽處不妨仍。歲寒依舊竹三迳，春意長新花數棚。
對景春容無一事，好將氣馬款調乘。

依趙尉獄空韻上陳宰

民沐仁風狀小兒，陶陶遠罪日何知。園扉草色春長茂，

公舍棠陰晝緩移誰復鼠牙紛擊剝類將雞黍樂追隨
塗歌里詠喧傳處盡是吾侯德政碑

依方宗丞和林簽判賞梅追壁水之韻

冰玉精神清且凝不嫌霜雪慘於刑傳來春信嚴明地
吐出陽和節愛亭孤艷迥凌仙子桂餘香暗及庶民星
尋盟壁水渾閒事好整和羹入帝庭

送陳尉

原闕

賞歸二首

巖邑崎嶇俗最獷君來談笑自風生平戎大策方微露

執訊竒功便立成
百里秋光瓜代及
九重春色笋班榮
金闈此去應無阻
好把胸中次第行

又

世論年來太不和
真真偽偽總偏頗
陽尊孔孟陰排斥
深怯周程浪詆訶
誰是橫流堅立砥
類於入室反操戈
始終無負傳心處
一片精剛要不磨

送滕教歸二首

本是山林一陋蒙
何心馳騫利名中
只因尺檄來蓬戶

故策駑才入藻宮既爾薰陶知厚德又於厯練熟顏風
區區未飫高山仰何事征蹄今已東

驛道芬菲春氣柔征蹄去去不容畱俯辭南國樞衣佩
直向端門拜冕旒璧沼從知新訓導石渠旋復細刊讎
澤民致主淵源學那或浮沉逐輩流

不赴十姊初度之席

吾姊今朝慶誕辰奈何賤第亦同倫汝逢壽考榮雙老
我感劬勞悼昔人贊祝欲陪千歲願追思難遏寸心真

一懽一戚應殊分只任天情不必均

湖齋對蓮

平湖花葉亂相撐恰對幽齋小榻清萬綠淺深非作意
千紅濃淡總無情好觀物態羣嘉萃從識乾元一理生
佔畢暇餘時與玩會子心處有誰評

對葵

開闔隨陽自曉昏輕如綃縠淨瑤琨淡黃相枕五重靚
濃紫深藏一竅渾熟視絕無粧點態細看不見剪裁痕

誰能會取箇中意與玩乾坤造化根

和丁大詠史君禱而雨之韻

史君持志一恭謙何間幽明與巨纖
渴雨方將為旱閔卧龍便不復泥潛
連宵頗作霧霓注闕郡均蒙優渥沾
竊喜陽春端有脚間間和氣日須添

用明師叔韻贈畫工張子英

雖憑縑素狀儀容的自毫心蘊妙鋒
箇箇本來天所賦隨人變化有奇工

送王子正赴瀨倅

飛騰仙馭自漳濱去去西隅指瀨津
夾道賓僚方一際滿城老稚便皆春
正心誠意平生學愛物親民此日仁
只恐貳藩車未煖紫泥催促貳皇鈞

又

昔日瀟溪倅此州施為洒落豈常儔
今承遺躅百餘載又得當朝一雋流
詔世典刑應未泯在民德化豈無求
發揮舊事重增煥好與邦人作勝謀

子方宗弟側弄之璋

珍祥充塞故旁流底信先傳慶有由莫訝雞胞寧吐鳳
須知虎氣已吞牛古來孽士皆榮達此日宗支自穎尤
蟄蟄繩繩從未艾會看貴種出公侯

西征范田遇雪三絕

夜宿荒村曰范田聲聲頻滴屋簷前朝來揭起柴扉看
滿目青山白玉巔

飽嚼炊粱菜菔羹阜臺催促趕前程手攜竹杖足穿革

緩撥瓊花徒步行

歷歷山坳凍迫人
指頭欲墮痺難伸
探囊速買三杯後
更覺陽和暢此身

大漿嶺

大漿陟降幾千層
積雪朝來錯去程
溜石瓊花新琢就
平田玉鏡恰塵成
不嫌凍氣侵肌慄
最愛清姿照膽明
聊把杖頭馱擊處
那忘疲旅中情

過武夷

武夷山下幾迴過未暇於中賞一遭
獅鶴諸仙知我意故將青靄淡遮羅

紫溪遇日

日露雪頭紅玉盤氤氳和氣靄人寰
回眸萬素無從覓依舊千山列翠鬟

鈿山遇霜

冒風冒雪冒霜寒手足胼胝百狀艱
只為胸中春一點未能忘世卧溪山

和人詠梅韻

不妨雪壓與霜糊
友結松筠鄙橘奴
特放孤標先煖覺
肯隨衆卉望寒逋
疑將冰月為精爽
端借瓊瑤琢體膚
闌出一元生物意
從茲引領萬容姝

示兒定孫二絕

童蒙發軔最初時
庸聖分岐謹所之
凡百小兒嬉戲事
汝皆鄙俚不須為

丈夫尚志志高明
勿效卑卑世俗情
從上一條平坦路

千賢萬聖所通行

鄰舍橫逆

茫茫薄俗沸蚊蛆禮義全無一點餘
只得杜門對賢聖
專來教子讀詩書
千般橫直休干已
一切是非無問渠
若救鄉鄰為被髮
風波轉起撓吾廬

西征過仙霞雪晴

自入仙霞十里程
滿山晴雪射虛明
路從寶貝洞中去
人在瓊瑤世界行
枯木競傳千狀巧
荒崖亦作十分清

回環四望真奇觀識破乾坤洒落情

過江山過雪

江山方進半程前正值羣遊剪水仙滿道鹽花堆粲粲
飛空粉屑舞翩翩樊牆廬舍皆銀飾溝瀆潢汗盡玉瑱
却認青山埋不得嵒峨氣勢直凌天

平坦雪兼風雨

自從平坦望衝南值雪霏霏日日添旣挾狂風和面撲
又偕猛雨向身沾手拈紙傘凝猶痺足踏皮鞋凍亦漸

那識堅剛金石操於中凜凜獨爭巖

玩雪

南人乍見此般奇驚怪誰司妙化機月裏姮娥篩粉撒
雲端仙子削瓊飛寶山瑤室隨村峙玉樹銀花夾道輝
造物襟懷真洒落更無塵滓間纖微

過衢州第二程見麥雪中青

雪過三衢越厚埋却於農事不為炎今朝方爾半融糝
隴麥青青奮出來

答留粹中承奉求教之韻

玉質雖精更用礪切磋磨琢趣無窮但於天理昭如視
何患私情衆互攻明善誠身為要訣博文約禮是深功
從今日用培基處敬道尤須徹始終

橫逆自廣三絕

湯文事小豈為迷物我從來絕町畦胸次洞然天地濶
本無南北與東西

樂天一說見軻書豈是高談強解渠牛馬蚊虻無足校

不須芥蒂此襟裾

仁人方寸萬機空片逆何能介此中視爾恰如風動竹
在子安有竹嫌風

趙寺丞禮延入學陳伯躍有詩詠其事因和以復
之

趙學規模本自宏師傳敢背此心盟追思嚴訓昭如在
立誓終身篤所行每患無成辜宿志那知自鬻釣浮名
賢侯愛友交提獎重我慚惶未見榮

修學扁大成殿門依教韻上趙寺丞

育才為國寸心丹
修泮時聞鏘八鸞
綠引滄溟循道入
青排名第對門看
宸鈞日煥龍蛇動
書閣雲齊斗斗寒
末學幸陪芹藻豆
詎耽秋菊夕英餐

存心

心藏隱奧最難知
出入無時不可羈
須向動時牢把住
莫教失却便支離

和卓廷瑞贈詩之韻四絕

一見襟懷便豁然交情輸寫意忘年傾囊經訓璫璣富
與我從頭細細傳

日復陪遊泮水湄發揮史學到淵微直從天理人心處
剖破存亡治亂機

長書一卷墨新題志在斯民壽域躋歷歷愛君憂國語
施行須自起鋤犁

我愧年畿六十秋時華虛度事優柔頭云皓矣未聞道
深藉磨礱與勿休

林戶求明道堂詩二首

秉彝同是得天生道在其中本自明氣為稟來微有蔽
欲因感處復多萌磨礱須到十分粹克治全教一味清
從此洞然無別體真元輝露日光星

又

自從河洛發真筌節目網條已粲然志若堅剛方可適
心如扞格決難詮從頭格物為當務穩步求仁乃秘傳
表裏直須名副實高標終不愧前賢

遊雷峯塔處晦上人求詩

擺脫人間名利韁
湖山深處事韜藏
要知晦裏真消息
養取靈臺一點光

無言上人求詩依黃簿韻

休說西來幾許年
此身動靜莫非禪
須知大理流行妙
不待人言髣髴傳
運水搬柴存實則
著衣喫飯即當然
若能默悟真消息
剖破諸空億大千

寓嚴陵學和鄧學錄相留韻

道為賢侯講泮宮淵源程子及周翁路開正脉同歸極
川障狂瀾浪駕空珍重前廊渾氣合督提後進要心通
聖門相與從容入矩步規行不用忽

北溪大全集卷三

欽定四庫全書

北溪大全集卷四

宋 陳淳 撰

律詩

題蓋竹廟六絕

人心汚物本來靈
動靜那分晦與明
晝接事為思有主
夜思無主夢因成

夢生於想本來非
一自魂交百感隨
漠漠茫茫無定準

若何據此卜前達

世人莫悟此端原兆自心機闢闔間却向妖祠求證應
妖祠於我固何關

至人神定氣常清夜息虛明一若醒假使妖祠能獻兆
如何窺得此門庭

大都流俗急榮名切切於中夢自形附會便為神所告
神明虛得號通靈

升沉大分係於天決匪人謀所必然告爾往來通達者

不須贅贅鬼神前

馮中郎廟

為問中郎昔抗忠力
歲頗收不能庸如今疆場多塵擾
頗收還能容不容

西楚霸王廟二絕

氣壓關河力拔山
絕人武勇更無前
若於今代當戎寄
子弟何須用八千

轍亂旗靡繞舊畿
烽烟起處羽書馳
思君一劍為平蕩

蓋世英魂知不知

題江卽廟六絕

三石參天作柱擎
自從開闢便崢嶸
何為末俗好奇怪
盡道江卽魄化成

緣爾江家兄弟三
平生愛此石巖巖
寓居石下多年代
陋俗因成附會談

好看三石絕奇蹤
自是山靈氣所鍾
致雨興雲功利博
合編祀典以神封

禮經岳瀆視公侯只謂祠儀一例修不識鬼神情狀者
錯將經意以人求

峙立嵒岷本石形人其廟貌據何經祇宜壇壝為民禱
時雨時暘便是靈

禮學無人發世蒙正神流弊與妖同既非氣類相求者
豈解精誠妙感通

和傅侍郎至臨漳感舊十詠

陽復東郊雨閣絲歡迎父老擁車隨競傳碧眼朱顏在

宛若當年剖竹時

和始至

黃堂盛事據今論
向日郎君忠肅孫
依舊誠心勞撫字

漳民世世沐深恩

和閱題名

郡圃森森幾閱春
一番太守一番新
何如今日同行樂

綵袖恭陪紫橐人

和行郡圃

燕遊規畫孔明廬
陳法區藏梅李株
慨想先儒遺意遠

能將舊觀一還無

和訪晦翁廬已毀

老榕盤鬱植根深
意到扶藜賞綠陰
天理流行隨寓足

何心故步與追尋

和訪古榕茅亭

依山種竹襯山佳
傍水栽花水妬霞
一意生生俱好玩

休分紅翠有無遮

和訪西山爽氣

雲移月色爽人看
雨趁潮聲迅拍欄
自是與民同樂地

何妨一整復前歡

和訪水雲館

南州佳品勝羅浮
青女飛花任打頭
寒澗更深香更烈

松朋梅友敢凌不

和遊柑橘園

主山昂首狀魁虎
踞龍蟠萃一臺
若跨地靈規貢宇

英才袞袞拔條枚

和登臨漳臺

臺前一帶繞漳溪
臺下回環萬象齊
就拓宏模須大手

非為諂語病丁畦

和下山

和陳侍郎韻寄題林尉肯堂

肯堂題扁自名公
表裏須教實一同
門閤不誇車馬大
家聲端藉禮詩
隆熟仁便足膏梁味
殉義能傳清白風
終始此生無忝處
精誠妙與古人通

和陳侍郎韻寄題林尉尚絅堂

中庸尚絅示諸儒為己何心世毀譽只要美中存德本
無容飾外事文餘魚潛理趣真如灼屋漏工夫的不虛
珍重子思深屬意一言綱領此篇書

權長泰簿喜雨呈鄭宰

夜雨滂沱一若傾朝來南畝足春耕相呼荷耒奔趨急
便與擔秧挿蒔盈令尹精誠知到處上天仁愛見真情
從今可釋懸懸望百里已無愁嘆聲

四月十八日喜雨再用前韻呈鄭宰

卷四
民間寬望正頻傾天澤如期為養耕終夜連朝淋不住
上畦下畝浸皆盈春來又見茲濃霈秋獲何愁弗滿情
感格一機無外事氣和端自有和聲

解職歸題主簿軒壁

偶然寓興五山陰可嘆頽波日轉深鼓瑟齊門莫同調
舜韶鄭側鮮知音歸尋舊徑掃新榻從整遺編理素琴
惟有春秋知罪我外餘橫直一何心

挽詩

挽王郎中五首

蚤得名師友淵源正不他持身莊以重接物簡而和游
夏文章學求由政事科朝聞今可矣為恨復云何

二

壯歲登科甲淹遲暮始通閩中馳德政瀨上振儒風藥
石王宮訓權衡壁水功儼然遺躅在誰不悼思公

三

剖竹毘陵郡乘軺古越城活民均惠澤報國一忠誠強

禦斂蹤伏姦欺束手清至今誦遺愛何日可忘情

四

暮景孤高節巖巖挺歲寒松姿標雪嶺玉質照水盤一
介應無取纖毫不可干老成視前輩宜作典刑看

五

近甸勲勞著中朝寵眷隆召從宗正貳躡進戶曹卽從
索方虛佇生經遽不融罩如嵩下息萬古儼公宮

挽楊料院二首

早識淵源正從師事切磨天姿純不類世俗淡無波廬
墓誠於孝刑家儉以和自應仁者壽命也奈之何
恩沐賢關渥名登桂籍榮古田馳義勇永福播仁聲料
院從優選朝階即坦行胡為成契濶第爾哭銘旌

挽程推官二首

壯歲聲場屋高年僅小行鄮江夷暴跡湟水雪冤情節
志冰壺潔襟期玉井清竟登泉石趣勇去謝榮名
生質鍾來厚風流近古人奉官常翼翼居里復恂恂甥

姪誨猶子夫妻敬若賓噫嘻公不死嗣世有簪紳

挽蕭知縣二首

資稟於人異天鍾自粹夷懷才無表襮制行絕瑕疵孝
比王祥篤知機下惠遺鄉閭稱厚德已矣但長噫

蚤擢儒科秀旋驅仕路榮平反東廣幕撫字桂陽城選
調方優脫朝階自坦行如何中道處遽爾輟干旌

挽孫少卿四首

自拋欄苧列簪紳便展施為志獲伸剖竹三衢無警盜

乘軺兩浙茂寃民居官清節水壺凜到處仁恩雨露春
厯厯典刑如在日慕思遺愛幾多人

聖主更新大化年趨朝正預拔茅連青華上厠卽星列
近密光陪卿月聯垂躡從班提從索遽萌歸興乞歸田
至今士論追懷處第誦南山景行篇

厚德天鍾有異資反身尤謹事操持儉勤忠孝傳家訓
直諒忱恂獲上知正色嫉邪嚴莫犯高標立懦屹難移
畢如香坂孤峯下千載唯存篤行碑

卷四
福慶於人鮮比方一生坦若履康莊好迷得偶天官曹
嗣子能傳月窟芳壽八九齡光寶籙服膺三品燦金章
始終可謂無遺憾信矣榮歸死不亡

銘

敬恕齋銘

天地之性惟人為貴由其有仁於我素備胡為不仁私
欲間之欲求仁者敬恕是宜出門如賓承事如祭以主
於中對越上帝已所不欲勿施於人以是而行與物皆

春內外敬恕私欲何寓天理周流無所不具是之謂仁
乃復其初孔聖明訓的非我誣子程伯子正事斯語傳
聖人心立後學矩濟南氏子是宗是師我贊無倦有此
銘詩

希程賢友扁是齋於明道堂之後蓋師慕明
道先生內主於敬而行之以恕之說嗚呼此正
夫子所以告仲弓求仁之方至為要切而明道
所以學問造到而得聖心之傳者有在乎是也

輒為之銘以相之嘉定戊寅春臨漳北溪陳某
書

枕屏銘

枕之為義以為安息夜寧厥躬育神定魄屏之為義以
捍其風無俾外人以間於中中無外間心逸體胖一寤
一寐一由乎天寂感之妙如晝之正可通周公以達孔
聖夜氣之清於斯以存仁義之良不復爾昏咨爾司寐
無曠厥職一憩之樂實汝其翼

箴

君子戒謹所不睹恐懼所不聞箴

天命之性具於吾心流行日用無往不臨即物即道孰
非吾事與身而俱須臾弗離曷其體之其要無他只於
平時事未萌芽已所未聞已所未睹即須自力戒謹恐
懼戰戰兢兢臨深履冰一主於敬中常惺惺從事於斯
乃全所性本體渾淪無間厥命天理生生如坤之陽萬
化根原的在其中咨爾靈臺所宜深警此第一功毋容

昏瞑

君子謹其獨箴

天命之性不能常靜感自外來動即中應由乎天理中
節為和蹉諸人欲則為偏頗若何用功粹然一正事稍
萌初念微闖境人所未聞已獨聞知人所未睹已獨見
之善惡之幾於焉兆朕毫釐易差當切致謹扶持天理
發達敷榮防遏人欲無使勞生茲續前功相次加密大
本達道表裏為一咨爾靈臺敬止緝熙契天合聖的其

在茲

贊

晦菴先生贊

德稟純陽清明剛健篤學真知全體實踐集儒之粹會
聖之精金聲玉振紹古作程

夢中自贊繪像

天賦爾貌幽乎其閑地育爾形頎乎其寬視諸孟子之
眸面盎背孔子之溫厲恭安須力學以充之而無愧乎

聖賢之容顏

疏

不允隆興寺僧傳經疏

先王盛時黎民徧德閭里之間相勸農桑之外無他惟
父慈子孝而兄友弟恭意誠心正而身修家理絕無諛
行以汨善端自三綱九法敦淪而別派殊宗躡踪大抵
化人導世急於覲果邀功視奉親敬長為度耳閤譚把
誦佛持經為切身重事需事畜之資以願塗偶剝塞堦

音僅塗也詩
塞向墜戶 之用以賁空廬顛之倒倒之顛厚者薄薄

者厚虫虫者渾如大寐明明者亦被冥驅恬習成風迨
至今日欲為爾重乃謁子文嗟哉淺德大愧無韓豈於
淫辭瀾復助墨作俑既非子志率獸亦豈吾心屢遜屢
前且笑且嘆聊書此以自命或罪我而不知

北溪大全集卷四